



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Capvt VIII. Altera Ecclesiasticorum Dignitas, quod Clerici sunt pars & hæreditas Domini; & vicißim Dominus est pars & hæreditas illorum.

urn:nbn:de:hbz:466:1-42349

CAPVT VIII.

ALTERA ECCLESIASTICORVM DI-
gnitas, quod Clerici sunt pars & hæreditas Domi-
ni; & vicissim Dominus est pars & hæ-
reditas illorum.

§. HOC bene docet sanctus Hieronymus epistola 2. ad Ne-
potianum capit. quinto. *Kληρος*, græcè fors, latine ap-
pellatur, propterea vocantur Clerici, vel quia de sorte sunt Do-
mini, vel quia ipse Dominus fors, id est, pars Clericorum est, qui
autem vel ipse pars Domini est, vel Dominum partem habet;
talem se exhibere debet, vt & ipse possideat Dominum, & possi-
deatur a Domino.

Qui de sor-
te Dei.

§. Nec quicquam siue in præsentī, siue in futuro
seculo felicius illo est homine, quam quem possidet
Devs, & qui DEVM possidet, Psal. trigesimo secundo, ver-
sic. vndecimo. 12. *Beata gens, cuius est DOMINVS DEVS,*
populus quem elegit in hereditatem sibi. Terque quaterque
felix is populus, & quisque singillatim in hoc populo,
qui vniuersorum Dominum, vt suum Deum agno-
scit, suspicit, veneratur, quem proinde vicissim Deus
vt suum populum & hæreditatem, possidet, excolit,
custodit, ac ingentibus beneficiis cumulat. Nonne
talī est piorum Ecclesiasticorum populus! Vtique
si quis aliū. Id significat DEVS Moysi. Numeror. tertio,
versiculo quarto, & 45. *Tolle Leuitas mihi, eruntque Leuita*
mei, ego Dominus. Numerorum decimo octauo, versiculo vige-
simo. *Dixit Dominus ad Aaron, in terra eorum nihil posside-*
bis, nec habebis partem inter eos, ego pars & hereditas tua in
medio filiorum Israel. Quod & repetit DEVS Deute-
ronom. decimo, versiculo nono. & Deuteronom. 18.
vers. 1. 2.

Beatus quē
Deus vt pe-
culum pos-
sident.

Ecclesiastici
populus Do-
mini.

Quid causæ
ut alimenta
sacra den-
tur homini-
bus.
Quæ opera
suscipienda
Ecclesiasticis

Cur autem id Deus constituerit causa est, ut soluti en-
ris externis, liberius Deo eiusq; cultui vacarent, quem
admodum declarat religiosissimus rex Ezechias Para-
lip. 31. v. 4. de quo ibi Scriptura: *Præcepit et populo habi-
tantium Ierusalem, ut darent partes sacerdotibus & Levitis, ut
possent vacare legi Dei.* (Non commensationibus, non li-
bidinibus, non corradendis pecuniis, & id genus vi-
tiosis actionibus.)

§. Hanc partem suam, quam nacti sunt, si eius pre-
tium agnoscerent, Ecclesiastici exornarent, & præ illa
nihil appeterent. Id nos docet S. Augustinus suo in Psal.
32. Comment. Vbi ait; *Vnde beati erimus, Deum possidendo.*
Quid ergo? Nos possidebimus eum, & ille nos non possidebit?
Vnde ergo Isaias cap. 26. v. 17. (secundum 70.) Domine posside
nos? Possidet ergo & possidetur, & totum propter nos, ut nos
beati simus.

CAPVT IX.

**TERTIA ECCLESIASTICORVM DI-
gnitas. Clerici sunt Apostolorum Ecclesiæ Princi-
pum successores, & eiusdem Ecclesiæ sponsa
Christi custodes.**

§. **I**TA docemur Isaiæ 62. v. 6. *Super muros tuos Ierusalem
constitui custodes tota die & tota nocte non tacebunt. Sicut
ait Hieronymus in cap. 1. prioris Corinthiaca. Quia sacerdotes,
inquit, & suo & Apostolorum loco funguntur, propter hoc et-
iam Ecclesiarum Apostoli nominantur. Quamquam sanctus
Clemens Epistola ad Jacobum fratrem Domini. Beatus
Anacletus epistola 2. ad vniuersos Italiae Episcopos
cap. 2. & epistol. 3. cap. 1. S. Leo epistol. 50. docent Epi-
scopos esse Apostolorum successores, Presbyteros 72.
Discipulorum, sed & hæc maxima dignitas est, nume-
rari inter eximios Christi liberatoris discipulos.*

CAPVT